





~~C7874~~

Ud 5368

2<sup>o</sup>



Brud 5368 dd (1-14)







M E S S I S  
F A T O R V M L V C T V O S A ,

Ex Gentilitio Auitæ KRZYCCIORVM Domus CAMPO,  
cum dolentissimo funere,

PERILLVSTRIS OLIM & REVERENDISSIMI DOMINI,

D. MATTHIÆ  
KRZYCKI,

Canonici Posnaniensis, &c. &c.  
ad feralem tumulum,

D E P O R T A T A ,

Eiusdemq; immortalis memoriæ, æternumq; Victuro Nomini,  
mæsto parentalis luctus obsequio,  
ac debita erga Munificentissimum Lubranscianæ Palladis  
Mecœnatem gratitudine,  
Immortalibus insignium Virtutum Manipulis,

I N T E R T E X T A ,

Per

Christophorum Ioannem Cyboni, Phil: Baccal.,  
Collegij Lubransciani Academ: Posnan:  
Grammatices Professore.

Anno

Victæ, per vitam Dei, inter homines, mortis,  
MDC. LXXVIII. die 18. Iulij.


---

POSNANIÆ.

In Officina Typographica, Alberti Reguli Młoduiewicz.

*Ludovicus Gryniewicz*  
*A Generoso Dno Joanne Włodkiewicz*





Mors terribilis est ijs, quorum omnia cum  
vita extinguuntur, non quorum laus, emo-  
ri non potest. *Cicero*


Mors omnibus ex natura æqualis, obliuio-  
ne apud posteros, vel memoriâ distinguitur.  
*Cornel. Tacit.*

Viue pius, moriêse tamen; cole sacra, co-  
lentem.

Mors tamen è templis, in caua busta tra-  
het. *Pub: Ouid.*

Omnes licet, ad messem liuidæ falcis voca-  
mur: quia tamen auara mors est, ideo pre-  
tiosas ocyus quàm volumus, rapit animas.

*Neoter.*



684 659

*Magnifico ac Generosissimo Domino,*

D. STANISLAO  
DE KRZYCKO  
KRZYCKI,  
Succamerario Calissiensis;

*Reuerendissimis & Perillustribus Dominis,*

D. HIERONYMO  
à MAGNA CHRZASTOW  
WIERZBOWSKI.  
Præposito & Officiali Generali Posnaniensi,  
S. R. M. Secretario,

D. FRANCISCO  
DE BRVDZENO

MIELZYNSKI,

Scholastico Vladislauensi, Cantori Posnaniensi,

Præposito Słupcensi; S. R. M. Secretario.

D. IOANNI MANKOWSKI,  
Canonico Posnaniensi.  
S. R. M. Secretario.

Amplissimis voluntatis supremæ Arbitris,  
Dñis Dñis, & Patronis Colendissimis.

**L** Vetusam factorum messem, è KRZYCCIANO Campo, falcata inuide mortis manu,  
feraciter præcisam, n. stris non sine lacrymis collectam, ad vestras ego manus defero. Am-  
plissimi voluntatis supremæ Arbitri, Dñi Dñi & Patroni Colendissimi: Cum messe & Câ-  
po, extra campum fraternum eugari, nec licuit, nec securius deponende messi huic conditori-  
um, socius publici maioris animus inuenisset atibi, quàm vestris in manibus; quæ augustis aman-  
tissimi, seu Fratris, seu Amici sui Mores, ita condidère tumulo, ut perennem simul non morituræ  
nominis memoriam, immortalẽ rectè factorum gloriam, in ipso obætorum, quâ sanguinis,  
quâ amicitia, iuribus, Cordium vestrorum, monumento reponerent. Dolore hoc Academici indi-  
cium, internam debite compassi-nis grauitatem tantò luculentius exprimet, quantò eorum anti-  
peristis, dolorum accedet propius, qui vel adeo sunt maximi, quia vestri. Hoc enim idem, du-  
rissi.



viffimi luctus celum, quod profundiffimo vulnere vestris adactum pectoribus mæsta hac gemini  
 doloris communiõne, hodie comploramus; Lubranscianam quæq; Palladem, amulo ferit iaculo, &  
 tam vehementer sauciat: ut quæ olim, è Poetarum conscientia, per vulnus dissecti capitis, vitæ ac-  
 cepit primordia, hodie cum Cor istud suum tumulari videat, lethale propemodum in corde vul-  
 nus, palam sentire se testetur. Erecto stetit animo, super fatalem Columinis sui casum, quomodo  
 potuisset? cum illam occidente, hoc suo, ampliffimi nominis Protectore, hoc rei Academica Atlan-  
 te firmiffimo, ponderi fatorum succumbente, vel ipsa merita gratitudinis conscientia, valido sa-  
 tis impetu, propellat doloris ad ruinam. Sed lacrymas tantum refundit mortue, quæ gemmas à  
 superstitute accepit, dignum omnino arbitrata, ut cum optimam beneficentiæ messem, vernaturæq;  
 æternum, memoranda liberalitatis Laureas, è KRZYCCIANO Campo legisset toties, hodie  
 quoq; funeream Cupressum, vel inuita manu præcerperet: Romanoq; more, non tam Fontem, quam  
 Nilum potius beneficentiæ, in literas, qui gentilitiam fecundiffimi Campi aream intercurrit, ex  
 quo & illa hausit satis: hoc saltem parentalis gratitudinis obsequio coronaret. Marcescere Corona-  
 mentum hoc ignarum est, eritq; semper, quod non ex floribus, tam diu gratis, quam diu recen-  
 tibus, sed ex perenni acceptorum memoria, perennis gratitudo contexuit, quæ dum messem hanc  
 luctuosam, non sine luctu è KRZYCCIANO Campo colligit, suum quoq; immortalium Mani-  
 pulis virtutum, intertextum fascem eidem illigat & innectit. Admittite itaq; messem hanc, ad  
 tumulum quidem deportatam, quia tamen immortalitatis etiam capacem, Vestris in manibus hu-  
 maniter hospitari, ipsq; illam, à tumulo ad cordis penetralia translata, posthuma obliuioni e-  
 reptam, æternitati porrigite. Vmbra verò hanc, profunda erga Augustos Manes venerationis,  
 à vestrorum nominum splendoribus, lucem querere patiamini: quæ suæ priuatim tenuitatis con-  
 scia, lucem omnino publicam detestasset, nisi Vestra protectionis radio illustranda, vel hoc præ-  
 textu, suam hanc vel temeritatem, vel autariam defendisset: quod & iustus hoc ei imperaue-  
 rit dolor, & sine omni affectata venustotis illecebra, phaleratq; apparatu, ut priuatam luctus  
 acerbicatem, testaretur luculentius, rudem se & incultam ad luctum venire publicum, solius  
 fecundam doloris messem, sterili calamo exscribere, iustum congruunq; censuerit. Quidquid tamẽ  
 hic sicut tacere nescius; ita gemere potius, quam in multam sandi copiam protendi assuetus dolor,  
 breuiter eloquitur: indignum licet, quia tanto Vestrum nomine, incultum, quia in luctus effusus  
 est, Vobis tamen ut spero, iucundissimum erit; quia de Vestro scriptum sanguine & amore. De-  
 niq; ut gratior Vobis luctuosa hæc cedat messis, vtorum illi omnium, hunc in compendio fasci-  
 culum ingero: ut præsentem vobis luctum, gaudijs in futurum diutissimis, solentur superi, pro  
 imbribus lacrymarum, quibus è mæsto obtutu præfluentibus, aridam hanc seu fraternæ seu amicæ  
 mortalitatis messem irrigastis, fulguret gemmis, riguoq; calum depluat auro: hanc deniq; doloris  
 messem, uberrimo felicitatum semine, vita & fortuna diuturnior compenset.

Magnificæ ac Generosissimæ Dominationis

Perillustrium & Reuerendissimarum Dominationum Vestrarum.

Cliens deditissimus

Christophorus Ioannes Cyboni, Phil. Bac. Acad. Possi:  
Collegij Lubransciani Grammatices Professor.



## MESSIS FATORVM LVCTVOSA.

Vt lubet jam,

Imaginem mortis, pingite Apelles vel Parthasij;  
 sculpite Myrones aut Lyippi;  
 excindite Polycleri aut Praxiteles;  
 Genium illius, is mihi demum expressit optimè,  
 qui inanum, primus ei armauit falce.  
 Ferrea quæ tota est, an iniuste ferrum manu prehenda?  
 Messorium hoc instrumentum, an incongruè præferat?  
 quæ adeò est auida metendis  
 ut non eminentiora tantum titulis celsioribus capira,  
 non tantum sublimes Coronatum fastigio vertices,  
 sed omnes omnium ceruices,  
 Omnia, quæ sub iugum abierè mortalitatis, jugula,  
 exco respectu, amulo impetu, pari crudelitate, æquali ictu, demorat.  
 Scilicet cum nihil ad lusum, omnia ad luctum faciat;  
 Ludicram Tarquinij tyrannidem, altiora duntaxat pavorum colla demerentis, quis habet?  
 Cum omnium crudelissima sit, crudeliora magis amplectitur;  
 Caligulæ vota, euentu implet  
 Omnibus, ac si vna esset ceruix, omnes vno ictu  
 ferit, concutit, prosternit.  
 Et quod mirere magis;  
 Falcem mors gerit, non magis crudelem, quam celerem:  
 etiam tempus messi debitum antevertit, ut semper metat,  
 ne solus sit Temporis falcem gerere,  
 etiam illa omni tempore falcem stringit.  
 Ut ubiq; detur per illam vacuum, nunquam vacat,  
 semper tumulos & vrnas, opplet exuvijs corporum.  
 Ut etiam Mitratis, Tiaratis, Coronatisq; Capiubus plectendis;  
 competens ferrum intenter, murice humani sanguinis perpetuò illud tingit,  
 ut esse valeat purpuratum.  
 Huic ingeme vel maxime, infelix mortalitas;  
 Etiam ab immanitate monstri huius, nec Aræ ipsæ immunes;  
 Reginam se omnium, superbò titulo, non inani tamen iactans nomine,  
 Regale etiam sacerdotium, Mors aggreditur;  
 Parcere vlli nescia,  
 Parca cum sit, in sanguine fundendo, ad prodigium vsq; prodiga,  
 etiam sacrum Mystarum sanguinem, profano miscet.  
 Eheu!  
 cecidit hæc etiam super MATTHIAM fors, sed iniqua.  
 Exscribe iam lacrymis calame  
 Nomen auro potius charactere notandum,  
 perenni Cedro, memoriq; æternum marmori incidendum,  
 Academicis in Cordibus, stylo gratitudinis adamantino  
 ad gloriam decentissimè, ad immortalitatem perenniter,

exaratum.



Perillustis olim & Reuerendissimus Dominus,

**D. MATTHIAS KRZYCKI,**

**CANONICVS POSNANIENSIS,**

huius sub ictu falcis cecidit.

Cecidit, Eheu iterum gemens anime!

Literarum Mecenas Amplissimus, literatio nunquam satis elogio celebrandus;  
Lubranfciarum Palladis Protector meritissimus, tota in laudem effusa Pallade celebrari meritis,  
Illatus iam tumulo, suppari nunquam panegyri extollendus;

Mortuus Vir, immortalitate dignissimus,

Cessit satis, cedere nunquam dignus,

Occubuit, ut staret æternum, tot fultus votis,

Ut serius caderet, tot desiderijs sustentatus.

Adeo.

nec super Matthiam quoq; sortem cadere semper fortunatam contingit  
quin ipse etiam cadat fataliter.

Tu verò

Campi Tui, Custos vigilantissima, fortissima Propugnatrix

Armata Gladio manus

falcem mortis manum, ab hac luctuosissima messe, cur non represseris?  
sed quæ Achillis arma, fortitudo Herculis, qui Mars ipse Mortem reprimat?

quæ etiam Orbis totius Victorum, inuidia domitrix,

omnis humanæ fortitudinis indomita triumphatrix,

omnia Herodum arma, armis suis,

subiectissima ad ipsum usq; tumulum veneratione

submit.

Patentissime ad gloriam, magnæ KRZYCCIORVM Domus CAMPI,

Itane morti etiam paruisti?

sed quid huic non pateat, quam latet nihil:

Quidquid in abditissimis quibusq; latebris occultuit mortalitas,

Quidquid vel meridianam Cynici lampadem latuisset, Mors reperit;

ut male forsitan dicamus cæcam,

quæ oculatior Lynce, Argo centoculo perspicacior est,

quia omnia videns.

Nisi ideo.

quod cum omnia videat, ac si nihil videret tamen, omnia cæco impetu inuadat,

Cæca dicitur, cæca est.

Patentissimus verò tanta per Orbem Lechicum amplitudine, CAMPI hic

quidni vel suâ illi amplitudine paruisset?

Vastæ moles, suâ se magnitudine produunt magis, etiam & Morti:

Campestris Mors est, quia falcata,

metendi avidissima, quia semper metens,

Campus ideo libentissima incolit, non tamen ut excolat, sed ut vastet.

Aggressa, non ingressa CAMPVM hunc, ut meteret;

Immisit falcem in messem, sed omnino alienam.

Nam

quæ immortalitas messuisse debuit, illa ut meteret, etiam tempus metendi solitum præcurrit.

Ita sanè,

adultis virtutibus, cælo maturuisse, mortale in mortalibus est.

Hæc iterum lacrymas, recenti vulnere irritate dolor!

Ad luctuosam mortis messem, Myrreus doloris manipulus, iure pertinet.

Procul hinc

festiuos plausus, lætas redeuntium à Campis messorum exclamationes,

Parentales huc potius nentias, læssus lugubres, animi singultientis Vocales gemitus;

Messis fatorum luctuosa, luctum poscit.

Ex Campo hoc, tali cum pompa redeat crudelissima prædatrix.

Meritis certe lacrymas cum moreris;

qui vivus gaudia in omnes dispensasti & lætitiarum

documento posteris,

Illum qui vixit bene, iuste & bene lugeri mortuum;

qui in vita nullius occasio luctus fuit,

Omnium in morte luctus vnam & sufficientem Causam esse.

Interim tamen,

Lacrymas ego messi huic colligentium non cohibeo, sed tantisper sisto;

ut quidnam & iustitiam deplorent, melius videant,

lacrymas nonnihil abstergant, necessum est.

In fasciam æternitatis colligere, æternitati debitos virtutum decorumq; Fasciculos,  
quos in KRZYCCIANO CAMPO, fatale mortis ferrum, licet messuit, non tamen collegit,

Iustum est.

Vita tantum aufertur per mortem,

ea, quæ in vita bene gesta sunt, victura æternum sunt;

quæ immortalitatem viuendo meruerunt, etiam post vitam, mori nesciunt.

**KRZYCCIANVS CAMPIVS,**

est in Cupressos hodie pullulat, succrescit in Taxos,

tot tamen Laureas virtutum, Palmas tot decorum,

fertilissimo germine produxit, producitq; indies,

quæ immarcescibili semper flore.

non per ætates tantum, sed per ætates integras,

per lustra, seculaq; innumera,

imò ut clarius & verius dicam,

per totam immortalitatem,

virebunt vigeantq;.

Nobilissima hæc immortalitatis semina, & quomodo ariscant

quæ, interfluens aream Gentilij Campi, Tago Hebroq; omni pretiosior vnda  
perenni virore irrigat.

Basilicus quia herodæ sanguine cruentus Fons hic,

In Campum suum,

ut perenni semper vernet decore,

Rosarum planè puniceos iaculatur imbres.

Quæ in Campo hoc manu æternitatis plantata,

hanc planè dibapham sanguinei flûctus purpuram hauserunt,

Pallidam non timent mortem:

adnatumq; illi pallorem, vel hoc suo rubore confusum erubescere faciunt.

Inquilina Honorum Domus

Ut immortalitatis quoq; apud se stationem fixisset,

Gentile suum Decus, in amplam Campi patentis latitudinem gloriose diduxit.

in quo & Carules Honorum sellas, loco satis capaci disponeret,

& augustam immortalitatis Maiestatem, angustiarum pro sublimi genio exosam,  
suâ hæc capacitate commodius circumscriberet.

Quidni ad perennis Gloriæ Capitolium,

æquè faciliiori ac feliciiori præ ceteris cursu non prouolet,

Domus hæc?

quæ ubi Gigantæos contenditum illuc meritorum passus, latius defigat,

in vastissima Gentilis Campi area, habet satis.

Ad æterni nominis terminales,

Ad immortalitatis brauium,

per tam ampla Olympia,

en, non, quia prolixè satis, ideo dignè satis

Decurratur?

Sed Tu etiam in Campum calame digrederis;

etiam Tu in alienam messem inuolas;

In falsis hæc perennaturis, trabali scripsit stylo æternitas.

Ba

quæ



quæ rudi sapia, paginæ tu perituræ committis.  
Non lacrymis ea, nec inter luctus scribenda sunt;  
quorum recordatio dulcis, perennitas immortalis,  
etiam inter luctus, sensum quandam gaudij

### Inspirat.

Manum proinde hîc de tabula:  
Conscius angustiarum Calamus  
KRZYCCIANÆ Domûs amplitudinem,  
Vastissimæ Gloriæ capacem, quia Campestem,  
ampliori curiositate adire non audet, peruagari veretur,  
vestibula vix aggressus, regreditur:

Quod verò vel tantum ausus sit, errore fatetur factum.

In publico dolorum concurrentium tumultu,

In hac mentium turbatarum confusione,

quò se verteret, nesciuit;

Quod à messe ad Campum deflexerit, parum esse erroris

### Arbitratur.

Satis & Tu, inter lacrymas elogij habeto à me, nunquam habiture satis,

lacrymarum hodie ferax CAMPE.

Si Tuarum Iliadem Panegyrum, nucleo inclusurus,

inter hanc per inimica fata, sædam Tui vastationem,

Vastissimum Te Immortalitatis Plantarium,

Competenti elogio, titulo non inani, voce verâ, concludam.

Ita sanè ita verè est;

herbescentem è messe CAMPI huius Coronam, ne decerpseris Libitina;

Assurgunt hîc in solius Taniam æternitatis, virtutum, tot decorumq;

### Manipuli:

qui in tuas non cessere manubias, sub falcis Tuz non cecidère ictu.

Assurgunt Tuz immortalis Gloriæ, mortalitatis iam exheres, Immortalitatis Candidate,

### Campi Tui flos lectissime;

æternis Literarum lacrymis, æternum lugende,

dulcissima vel inter dolorum amaritudines Tui recordatione legende semper,

### MATTHIA KRZYCKI.

Gloriosam equidem mortalis vitæ viam,

In hoc gentilitij Tui Decoris Campestri stadio, immortalium decorum studiosissimus Athleta,

### Decurristi:

cùm tot in eo virtutum vestigia, palmari cothurno adeò notabiliter impresseris,

ut in luctu etiam legi possint.

Hos Tu, quia Tuos Tuorum decorum Manipulos,

In funeris Tui pompam, in nostræ coronamentum gratitudinis,

à Nobis accipe.

manibus dare lilia plenis,

Rosis, aliq; sepulchrali, è more veterum, florilegio,

Tumulum tuum inspergere,

Ultra breue florum ver, obligatis in animis vernatura Tui recordatio, vanum censuit;

Hæc quæ Tua Tibi in CAMPO Tuo plantauit virtus,

Tua Tibi collegit immortalitas.

Mors cùm perennem Tui recordationem animis nequisset intercipere,

eripuit amanissimum oculis tui spectaculum;

eaq; tantum in CAMPO Tuo messuit; quæ fuere mortalia, non quæ Tua.

Natalium amplitudo, in Maiori Polonia planè maxima,

non minus in suo Campo, quam in Orbe Poloniarum vniuerso amplissima;

Ergone vnius vrnæ loculò capi possit?

Meridiana autis in splendoribus Natalium auge,

Ergone ad vltimum vitæ fatiscens occasum

Cimerio velut sypario indecenter velata, ad noctem perpetuam damnari queat?

Radium

Radium hæc, in viris Illustribus, accendunt Immortalem,  
etiam sepulchrales inter umbras, lumine inextinguibili scintillantem.  
Quodsi etiam apud mortem, vel omnium nobilissimam, vel penitus ignobilem  
Stemmata nil prosint nil profit longo sanguine censeris:  
ut sua Illustrissimi ortus lumina, etiam in cinere mortalitatis immortaliter fouerentur  
Prouidit, hic certè, sicubi fortunatissimus

### MATTHIAS.

Generis nobilitatem, virtutum nobilitati coniunxit,  
ut vnita cum virtute nobilitas, cum nobilitate virtus, esset fortior

Ortum generis meridie probitatis accendit,

& auitis, Maioribus, & nobilissimis in vita moribus,

vtiusq; nobilitatis prærogatiuâ & insignitus, & insignis.

MATTHIAM se esse memor, adeoq; sorte hæc etiam felicem esse voluit,

ne (quod miserum Poëta censuit) alienæ incumberet famæ.

Refudit hæreditarium Magni sanguinis influxum

pari dimanantium à se decorum aluço,

### Augustæ Domui:

Dispositas per aream Gentilis Campi, Auorum Atauorumq; Imagines,

gemino rectè factorum lineamentò illustrauit adeò,

ut ex illorum Archetypis in se Ectypum,

viuam paternæ virtutis Energiam,

Ideam formauerit verè Exemplarem.

Ad Ceras congenitæ nobilitatis, melleam aptauit vitam.

Ab Arbore Dodonæa celsissimæ propaginis

Vt se non degenerem surculum, ramum aureum,

similiq; frondescentem virgam metallo demonstraret,

laborauit in tantum, ut tunc solùm ab opere immortalium operum destiteris  
cum esse desijt mortalis.

Verbo omnia:

Nobilissimam Natalitij splendoris sementem,

quam in fecundissimo Kotuicij sui CAMPO, Lucina illi in Cunis obtruxit

ad eam in vita maturitatem prouexit;

ut tempestiuè satis maturuisse cælo visus, messem ante messis tempora

### accelerauerit.

Liberet hîc, si etiam liceret,

rudi licet pio tamen conatu,

amplissimum elogiorum CAMPVM, Kotuicij se in Campis aperientem

ingredi profundius, lustrare vel in luctu hoc amantius:

### Vacaret,

Succrescentes tot, etiam ab ictu vesanzæ falcis, virtutum decorumq; Manipulos

Gloriæ immortalis attollere.

nisi publica hæc subiti doloris confusio mentem imbecillam confunderet,

& quòd in luctu semper accidit;

Omnia in vnum non tam congerere, quàm confundere imperaret.

Legite tamen hos etiam succinctos virtutum Manipulos,

qui messem hanc fatorum, dolore socio lugetis.

Primus è messe hac Immortalitatis Manipulus esto

### RELIGIONIS.

Hæc in Religiosissimo hoc MATTHIA verè Orthodoxa, labis vilius inscia,

Deo, Cælo, Cælitibusq; ex asse vestigalis,

à primo visæ lucis diluculo, ad vsq; fatalem occasum, pari semper fulgore enituit,

Floret hæc illibato semper decore, in KRZYCCIANO CAMPO

ut à prima huc sui admissione, nunquam de constanti vigore demiserit.

Quod super Campum hunc gladifera Manus arma stringat:

ad adytum opinor suum euigilat,

ne sacram hanc Religionis aream, irreligiosum quidpiam sacrilego pede contingat

Innatum hoc Religiosæ Domui suæ decus: eò ille retinuit magis quò sciret melius.

C

omnia



omnia inter humanarum virtutum decora,  
 Veram firmamq; Religionem, maximum esse ornamentum.  
 Tantus in Eo decoris istius apex,  
 ut Aris ipsis dignam Religionem praeferulerit, ipse planè Religionis Ara.  
 Tremendis Arae munijs ex merito capeffendis,  
 Quanta se consultissimi pectoris solitudine praeprauerit,  
 ex eo cognosce:  
 quòd ad magna haec maximi Numinis obsequia, tam lentè festinauerit.  
 Solus planè sacra profanis felicissimè miscuit,  
 sed in profano etiam Matrimonij statu, sacrum se spiritualitati exhibuit.  
 Binis ante mortem annis initiatus sacris  
 cum caelestis huius muneris Initia, digna caelis pietate perageret,  
 è terris excessit ad superos,  
 ut felicius consummaret in caelis, quod tam auspicate in terris est auspicatus.  
 Ad aras accessurus,  
 etiam in vestibulo sacrarum aedium, Aris dignam exercuit pietatem,  
 Offert se hic Manipulus munificentissimae In egenos

#### LIBERALITATIS.

Antequam Deum in aris, prius egenos homines in aditu templi placavit muneribus:  
 ut ante Tribunal Iudicis formidandi suam benè causam perageret,  
 hos profe Oratores corruptit donis,  
 Haec sola illi corruptio placuit, quae si cui non displicet,  
 non corrumpit sed corrigit,  
 Sui hic etiam nominis, ac fortunae MATTHIAS haberi voluit  
 cum aliorum miseriam, suo aetate faceret fortunatam.  
 Alienam inopiam, suam ratus, ita prouidit alijs, ut sibi ipsi.  
 Calamitates aliorum pro suis reputans,  
 ferre illas non potuit, quin statim ut potuit, auferret.  
 Titi aut Vespasiani munificentiam æmulatus, elogium superauit,  
 cum illi, dantes his etiam, qui accepisse non debuerant  
 proiecissent beneficia, Hic dedisset,  
 vnicè in eos liberalis, qui nihil præter solam pauperiem habuerunt,  
 Vos pupillæ miserorum cohortes, hodie pullatæ,  
 Manipulum hunc lacrymis humectate,  
 qui toties oculorum vestrorum lacrymas, suâ liberalitate siccauit  
 Panem vobis Manipulus hic dispensauit, non fulmina,  
 Symbolicam illam syngraphen viuo suæ virtutis genio expressurus,  
 In suo IUSTITIAE Arcopago,  
 suum quoq; messi huic Manipulum innectit.  
 Ad Iusta hæc parentalia, etiam Iustitia iure pertinet,  
 dum obseruantissimum eius Cultorem tumulamus.  
 Tanta huius in illo cura,  
 ut dignum amplissimâ quoq; Sarmatici Tribunalis Curia toties promulgauerit:  
 seu assideret, seu præsideret Iudicijs,  
 medius confligentium inter se partium arbiter, mediò iuit tutissimus.  
 Asylum Innocentiae, Reorum scopulum,  
 verius quod Cassio Romano, verus affinxerat assensatio,  
 Illum tu dixisses, qui Lyceam in causarum cognitionibus perspicaciam,  
 in eo manifestam vidisti.  
 Gladius supra Gentilem Campum, Gladius esto Themidis  
 quæ in KRZYCCIORVM Domo, supremum sui cultum aduertens,  
 Arma sua illius Armis superintulit.  
 Ita  
 non cum magnis tantum affinitatibus, sed cum maximis etiam Virtutibus  
 KRZYCCIANA Domus Stemmata communicat.  
 Arma hæc  
 quod intra CAMPVM, crudelem mortis falcem admiserat,  
 ne mirere:

primum

primum omnis Iustitiae decus esse, reddere vnicuiq; quod suum est,  
 Iustissimus hic MATTHIAS cum sciisset:  
 in ipsam quoq; Mortem, iniquus esse noluit,  
 quin huic etiam, quod illius erat, libens redderet,  
 CLEMENTIA Iustitiae Affinis.

In illo plusquam fuit germana.  
 Ut solem illius, ita Lunam istius,  
 (sic bina hæc virtutum sidera vocat Lipsius)  
 pari in se lumine circumtulit.  
 Si Pericles, Olympij nomen inde meritis, quod nemo suâ operâ pullam vestem induerit,  
 Meritus hic Olympum:  
 qui ut in vita neminem, ita post mortem omnes,  
 pullato si non amictu, certe luctu operuit.  
 Nihili sui verior dominus, quam ira,  
 omnes sui offensas,  
 ad solius Clementiae lanceam librare suetus, gladium vibrare insolitus.  
 ad veniam promptior, quam ad poenam,  
 flecti semper maluit, quam vel semel plestere.  
 Iniurias à quocunq; sibi illatas  
 non risit tantum, ut Tyberius, non contempsit, ut Theodosius,  
 sed remuneratus etiam, ut Augustus interdum, Ille semper.  
 Iustitiae & Clementiae collateralem semper, hic etiam adijcio

#### PRUDENTIAM.

Prodroma hæc virtutum,  
 si harum quoq; Antæambulo vel Comes non sit,  
 Virtutes licet illæ sint, in vitia tamen degenerant.  
 Fuit Ternio hic perfectus  
 in perfectissimo hoc virtutum omnium Compendio  
 MATTHIA KRZYCKI.  
 Hic etiam Manipulus, è messe hæc mortalitatis pullulat immortalis,  
 Prudentia illi exactissima semper, erronea nunquam,  
 & quia CAMPO pro stemmate Insignis  
 Ideò Consiliorum feracissima:  
 quia tot per Literarum Athenas, & Athenæ, circumducta, ideò eruditissima,  
 quia annis matura, ideò ad multiplicis experientiae Lydium probatissima,  
 In Comitibus Curiaq; Curium,  
 In publico Consiliorum Theatro Roscium adornans,  
 Vbiq; par Oraculis.  
 Laureatus SAPIENTIAE Manipulus,  
 sublimior hic eminet:  
 quam ut tenera Elogij succumbentis infantia illuc adrepat:  
 quò suam Ille, conatui planè æmulo inaccessam celsitudinem subuexit.  
 Indolem Iuuentutis senio maturitatis benè parem,  
 Lubransciano prius Academiae Posnaniensis Collegio erudiendam dedit,  
 Demum  
 vastissimam docilis ingenij capacitatem, ac sanè in Campo natam amplissimo,  
 Regni sui limitibus abundè capi nesciam  
 per oras gloriosissimè circumtulit Exterorum.  
 Stupuit Amauitq; in illo hoc sapientiae decus Patria  
 viderunt & inuiderunt quoq; Exteri.  
 Transplantata peregrè è nativo solo Planta hæc, copiosissimè fructificauit  
 Italici Calores  
 è frigido Septemtrionis Climate, calentissimos Ingenij æstus,  
 maioribus sapientis Gloriar ardoribus accenderunt:  
 Galliae Liliæ,  
 Odorem doctrinae multiplicis & sensu & auxit.  
 Prorsus

C2

& so.



& Sole Italico decoctus, & in Gallica Sapiencie Viridaria  
Transplantatus hic Manipulus ita floruit;  
vt Sarmaticæ telluris, vt Campi sui partem, floruisse decuerat.  
Scriptis vel nolens, suæ ipse elogium Sapiencie,  
cum scriptis tot suis, perennem illi memoriam apud posteros inscripserit,  
Ingressit suam quoq; Manipulo huic Apolito Lauream,  
Parnassum Campo junxit:

Hæres videlicet Patriæ Libertatis Anima,  
novo paradoxo, admisit vincula sed Musarum:  
vt hæc etiam, Illius ad posteros sapientie nexum, memorie perepni illigarent.  
Iuit in Heliconios Colles, ligatis metrorum, pedibus,  
cum mente libera, solitis aliquantum curis, solutus esset.  
Iucundissimum illi otium, quod fuit otium literarum.  
Et quod in magno hoc sapientie gustu, sapidissimum;  
in quo sapientissimi etiam desipere quandoq;  
Ille sapuit semper.

Sua non abusus sapientia  
eam, in vsum eius, cui omnia debemus Patriæ, sapientissime conuertit:  
Dum Illius Annales, facta Principum, Regni sui Historiam, donauit posteris,  
Ipse & eruditionis tantæ & tam boni Sapientie vsum  
posteris Historia futurus.

Nè verò Martium hunc KRZYCCIANI Decoris CAMPVM  
sine Martio quoq; decore relinquamus,  
assurgat ad bustum hoc, in triumphalem Manipulum  
Victoriosissima FORTITUDO.

Restitit hæc, fortissimæ licet morti,  
& cum mortalia tantum, in Campo suo meteret,  
Laurum illa suam, istu falcis atrocissimæ, exposcit intasiam,  
Ferream Cadmi sementem.

quam, fertilissimo victricium Palmarum Campo suo, KRZYCCIANA inseruit magnanimitas  
illas cruore barbaro, adhuc vel in stemmate stillantes glebas,  
Scuta galeasq; & trunca corpora virum, cadaverum hostilium aceruos,  
non hic ego, in Manipulum Fortitudinis congero.

Quid enim esset operis?  
plantatas immortalitati adoras, fixa ituris seculis trophæa,  
calami imbellis præsidio, & inaniter & indecenter fulcire?

Tuam recolo, Tuam veneror,  
vt omnium aliarum, ista huius etiam virtutis ex asse particeps,  
MATTHIA KRZYCKI,  
Victoriosissimam, quia sui Victtricem  
Fortitudinem.

Immutata hæc illi, maximis etiam mutationibus,  
in quibuscunq; aduersis secunda,  
ad omnes fortunæ impetus erectissima, nullo fracta.  
Generosissimam mentem, quavis vicissitudine nihil motam.

Montem illum vere dixisses:  
qui immixto sideribus vertice, ultra omnes nebulas eluctatus, in omni turbido serenus est.  
ultimo Te tandem succinisti huius elogij loco  
attexere placuit, vel maximum inter decora hæc magna Decus  
Maxima in Literas Lubranicianas

#### MVNIFICENTIA.

Hic Te non tam panegyricus, quam confusus in luctu, doloris impetus locari voluit;  
vel vt in ipso decursu, facilis legentium recordationem subires,  
vel vt nostræ Tu coronamentum gratitudinis,  
exilis huius elogij in coronidem, Immortalium Manipulorum cederes

#### In Coronam.

Nectunt ergo Manipulum perennis gloriæ etiam Musæ Tibi  
Mæcenæ Literarum Amplissime.

aridæ

aridæ huic funereæ Cupressui Tux, per Tux influxum liberalitatis  
Virentes Laureas inclinant:

ad messem hanc Fatorum luctuosam  
& suis Parnassi Lubraniciani collibus, in Tuum cum luctu Campum veniunt.  
Ipsæ hic agunt Præficas, luctu æsturæ Gracias, testaturæ gratitudinem,  
quam lætiori materie testari peroptabant,  
si earum votis, euentus felix, Tux nimirum diuturnior vita respondisset.

#### Et quidni

Aonij quoq; Musarum Latices, Cyrrhaei Castalijq; fontes,  
diaphanam sui limpidi crystallum, turbidò maioris publici hodie confundant?  
affundant suas alienis lacrymas?

qui, ne arefcerent vnquam,  
ex Tux liberalitatis Oceano, liberalibus alucis,  
non aquæ, sed gratiæ ductum perennem deriuarunt.  
Benè est Sapientie non Cultor magis quam Patronus,  
Ditata hæc dotataq; a Te,  
sue Tibi rationem gratitudinis immortalis beneficentiæ memoria, iuste semper rependet.  
Manipulus hic Tux liberalitati sacer, marcescet nunquam.  
Quem in immortales è Stagiritæ placito Granarum hortos,  
Manus Palladia transplantauit,  
vt Gratiæ Tux memoriam nunquam posse emori testaretur.

Hæredes æternitatis Literæ  
primum ad eandem gradum, magnorum nominum perennitati,  
missis ad posteros eruditi Calami panegyribus, ponere semper solitæ,  
etiam Tibi ponent, quia Tibi obligatissimæ.  
Emant plerumq; alij sui æternitatem sibi nominis,  
dum illud nummis cum vultu imprimunt,  
vt in auro argentoq; lucem etiam post fata videant:  
Inscribant alij etsi longum non tamen æternum duraturis parietibus,  
vt parietina cum Traiano herba dici possint, ac simul deflorescere,  
Querant vel in tumulis alij perennem cum Mausolo vitam;  
Attollant demum reliqui cum Ægypti Dynastis  
Ituras sub calum Pyramides Colossos, Obeliscos,  
vt per sublimem hanc fastuosissimi luxûs molem,  
In culmen Immortalitatis vel sic eritantur:  
Euanescere tamen hæc omnia, ruere, per temporis fatorumq; iniuriam quotidianum est.  
Firmiores Tu longè sustinendæ Immortalitati Tux Columnas tot,  
Palladio in Circo excitasti,  
Quod alenda liberalibus impensis Tuis Ingenia  
Domui Sapientie dedisti,  
Tuis laudibus, Gloriæ, Honori ac Immortalitati  
Dedicasti.

#### I jam nunc.

è luctuosa hac KRZYCCIANI CAMPI messe, vel ipsa in luctum  
Luctus hodierni Causa Mors,  
quod falci Tux non omnia sub idum cesserint;  
& si cui Tu vnquam, huic certè Immortali per ævum omne Viro,  
quæ vitæ incidisti stamina, aureum gloriæ immensæ filum  
hæc falce orsa es:  
dum ad messem hanc nimis quàm festina non pepercisti tempori  
Manipulos propidisti æternitati.

#### Hi verò

deponuntur potissimum in Tui conditorio pectoris, quia fraternos;  
Mortui Fratris vivum Decus,  
amoris vnice fraterni ab his cineribus victuræ Phænix,  
si metempsychosim Pythagoræ non damnaret veritas,  
Fratris Tui sorte animam,

D

vt



vt veriùs dicam,  
fraternæ post mortem Immortalitatis Anima,  
*Magnifice ac Generosissime Domine,*  
Succamerarie Califfiensis.

Immortalia hæc Fratris decora Tibi penitus germana,  
à Tui fama nominis suam sunt immortalitatem habitura,  
Famâ Tuâ.

quæ vocali tot meritorum classico, Maiori Poloniæ, maximè,  
nec minùs Minori notissima, Exterorum finibus affinis,  
Orbi Poloniarum vniuerso celeberrimè insonat.  
Terrarum Tu quidem pro Tuo, quod gloriosissimè geris, munere, Metator es:  
Tuo tamen metam Nomini pones nullam,  
quòd, tanta decorum tot amplitudine, protendisti.

Primum hunc Ordinis Equestris titulum,  
Tua Tibi, in secundis nescia stare Virtus dedit, per suffragia meritorum:  
cuius mensuram Nominis, in tantum imples,  
quantum Princeps hæc Nobilitatis dignitas, haberet satis,  
Trabeati Patrum Poloniæ Ordinis Laticlavius Apex mereretur,  
Tux hic etiam Gloriæ se toties submisit,  
Virtutis Tux præmium fieri desiderans;  
Cum Herculem in Te Polonum persæpè audiat;  
aureâ eruditi oris catenâ, diuersissimos animos, in nexum concordie vnanimis,  
Vincientem.

Gratulare eam Tibi gloriam,  
Septentrionalis Literaturæ Augusta Metropolis,  
Orbis Europæi Decus ac Delitium,  
Celeberrima per Orbem, vnica per Poloniam VNIVERSITAS CRACOVIENSIS,  
Fecundissima Eruditorum Alma Mater  
quòd Hic etiam Tuum se agnoscat Filium, qui Institutione Tua eouq; processit,  
vt præcipuum Decorum Tuorum Decus sit,  
Capacitatem tantæ Mentis

deciuit in capacissimo scientiarum omnium Archi-Lyceo,  
tantâ exaggeratæ sapientiæ planè Encyclopædiâ oppleris  
quæ hodie sufficientissima agnoscitur.

Adeo verò Magnorum fertilissima Virorum

**KRZYCCIANI CAMPI Tellus,**

sterilitatis labem odit semper,

vt omnibus propè seculis Nobilissima Germina, fecundo partu, in suæ emolumentum Patriæ,  
producat.

Exspectat nunc etiam hæredem Paternæ Virtutis animum,

In magnæ spei ac expectationis Filio Tuo,

spes publica:

Ominatur Lubranscianus Apollo

eius indolem pari in hoc Literarum stadio passu incedentem videns & laudans;

Quo Te illi præiussè olim viderat & hodie lætatur.

Perennent iam itaq; Tuis Decoribus, Pereconia Fratris Decora,

& cum eius Immortalitatis, gloriam adæquasti,

vt mortalitatem vitâ diutiori superes,

hoc luctus ex Illo hodierni ex Te nobis sit

**SOLATIVM.**

A. M. D. G. B. V. M. D. I. C. SSq; O. Honorem.



wey



132

Plant

Hirt. Polon.  
6 spec.

23



